

Ang Paglimpyo sa Santuwaryo

Leksyon 16

1. Si Pablo nagtudlo ug tulo ka mga butang mahitungod sa pagtoo diha ni Cristo?

Buhat 24:24, 25 _____

2. Ang mga dautan ra ba ang pagahukman?

Ecclesiastes 3:17 _____

3. Kinsa ang kinahanglan mangatubang sa hukmanan ni Cristo?

2 Corinto 5:10 _____

4. Unsa ka tiunay ang pagsusi sa atong mga kinabuhi?

Ecclesiastes 12:14 _____

5. Unsang mga klaseng butang ang mugawas diha sa paghukom?

Mateo 12:36 _____

“Ug kaniya nga magamatngon sa iyang dalan sa pagkatul-id igapakita ko ang kaluwasan sa Dios.”
Salmo 50:23

6. Asa magsugod ang paghukom?

1 Pedro 4:17 _____

“Ang panimalay sa Dios, nga mao ang iglesia sa buhi nga Dios.” 1 Timoteo 3:15

“Kay panahon na nga pagasugdan ang pagtuman sa hukom diha sa balay sa Dios; ug kon kini magsugod man kanato, unsa man kahay dangatan sa mga tawo nga wala magtuman sa Maayong Balita sa Dios?, Ug kon ang matarung lisud man ganing maluwas, unsa man kaha unyay dagnatan sa mga dili diosnon ug makasasala?” 1 Pedro 4:17, 18

“Busa, sa tanang panahon, siya arang makaluwas sa mga moduol sa Dios pinaagi kaniya, sanglit buhi man siya sa kanunay aron sa pagpangamuyo alang kanila.” Hebrohanon 7:25

7. Sa pagkatinuod kinsa man ang maghukom?

Juan 5:22 _____

8. Sa pag-abot ni Cristo, unsa man ang Iyang gidala?

Pinadayag 22:12 _____

Ang paghukom sa tanan nga midawat kang Cristo nga ilang Manluluwas sa pagkatinuod mahitabo sa dili pa Siya muabot. Kini gihulagway sa Mateo 22 diha sa samingay sa kasal diin gibuhat sa usa ka hari ngadto sa iyang anak. Sa wala pa magsugod ang kasal, ang hari nagsusi sa mga bisita sa pagtan-aw sa tanang kun sila nasul-uban ba sa sapot alang sa kasal (bersikulo 11). Bantayi ang kapareho niini sa Pinadayag:

“Managhugyaw ug managsadya kita ug ihatag ta kaniya ang himaya, kay ang kasal sa Cordero nahiabut na, ug ang iyang Pangasaw-onon nakaandam na sa iyang kaugalingon; ug sa Pangasaw-onon gitugot ang pagbistig lino nga manipis, masidlak, ug maputli. Kay ang lino nga manipis mao man ang mga matarung binuhatan sa mga balaan.” Pinadayag 19:7, 8

Diha sa samingay, ang pagsul-ob sa sapot mao ang ilahana kon ang usa ka bisita dawaton o dili dawaton.

“Dili ang tanang mangaingon kanako, 'Ginoo, Ginoo', makasulod sa gingharian sa langit, kondili ang nagatuman sa kabubut-on sa akong Amahan nga anaa sa langit.” Mateo 7:21

Sila “nga wala maghugaw-hugaw sa ilang mga bisti,” apan ”ang ilang mga tag-as nga bisti gilabhan nila ug gipaputi diha sa dugo sa Cordero.” Pinadayag 3:4, 7:14

Kini nga pagsusi sa kinaiya pagbuhaton ni Cristo diha sa langitnong sanktuwaryo. Sa pagkahuman sa hukom imbestigatiba, ang matag usa ka kaugmaon masilyuhan. Siya dayon muingon:

“Ang mamumuhat ug dautan, pabuhata gihapon siyag dautan; ug ang mahugaw, papadayona gihapon siya sa pagkamahugaw; ug ang matarung, pabuhata gihapon siyag matarung; ug ang balaan, papadayona gihapon siya sa pagkabalaan. Tan-awa, moabut ako sa dili madugay, nga magadala sa akong ipamalus, sa pagbayad ngadto sa matag-usa sumala sa binuhatan.” Pinadayag 22:11,12

9. Unsa ang mensahe nga kinahanglan igawali uban sa dakung tingog karon?

Pinadayag 14:7 _____

Si Pablo miingon uban sa mga pulong “pag-abot sa paghukom” (Buhat 24:25)

Ang mensahe sa panahon karon mao nga ang “paghukom nahiabut na” (Pinadayag 14:7)

Sa pag-abot ni Cristo, “Siya maghukom” (Pinadayag 19:2)

Kini nga hukom imbestigatiba, nga nagsusi sa mga kianbuhi sa tanan nga nag-angkon sa pagtoo ni Cristo, mahuman sa dili pa muabot si Jesus. Kini dili ikalibug sa hukom sa mga dautan pinaagi ni Cristo ug sa Iyang mga balaan, diin mahitabo sa panahon sa usa ka libo ka tuig; o ang katapusang paghukom ug pagsilot sa mga dautan, diin mahitabo sa pagtapos sa 1000 ka tuig (tanawa Leksyon)

10. Unsa ang mas labing hatagan ug bili kaysa pagka-angkon sa gahum batok sa mga dautang espiritu?

Lucas 10:19-20 _____

11. Asa gisulat ang mga pangalan sa mga katawhan sa Dios?

Filipos 4:3 _____

12. Giunsa pagrekord ni Jesus sa atong mga maayong binuhatan?

Malaquias 3:16 _____

13. Unsa pa ang butang nga gitiman-an diha sa atubangan sa Dios?

Jeremias 2:22 _____

14. Asa man gisulat sa Dios ang taras matag usa?

Salmo 139:16 _____

Ang tanan nga atong buhaton gisulat sa mga libro sa Dios. Uban sa mga pamatuod niining mga langitnong mga basahon makita sa Nehemias 13:14; Job 16:19; Salmo 56:8; Hebrohanon 12:23; Pinadayag 13:8; 17:8; 21:27; 22:19.

15. Sa adlaw sa paghukom, unsa ang giablihan?

Daniel 7:9-11 _____

16. Unsa ang mga libro nga gigamit niini nga paghukom?

Pinadayag 20:12 _____

17. Kon ang basahon magpakita nga ang usa ka tawo mibalik ngadto sa pagpakasala, unsa man ang iyang dangatan?

Ezekiel 32:33 _____

18. Unsa man ang buhaton sa iyang ngalan?

Exodo 32:33 _____

“Ipapapas sila gikan sa basahon sa kinabuhi, Ug sila dili ipasulat lakip sa mga matarung.” Salmo 69:28

19. Sa katapusan, unsa ang mahitabo kaniya?

Pinadayag 20:15 _____

20. Unsa ang nahitabo sa panan-awon ni Daniel mahitungod sa paghukom?

Daniel 7:13 _____

Kini nga buluhaton ni Cristo wala maghulagway mahitungod sa Iyang pag-abot sa yuta, apan ngadto sa “Tigulang sa mga adlaw.” Kini nga sosamang panan-awon gihulagway pinaagi ni profeta Malaquias. Banatyi ang pangutana nga gipangutana, ug ang iyang tubag:

“Hain man ang Dios sa JUSTISYA? Ania karon, ako nagapadala sa akong sinugo, ug siya magaandam sa dalan sa atubangan ko: ug ang Ginoo nga inyong gipangita moabut sa hinanali sa iyang templo;” Malaquias 2:17; 3:1

Ang Pinadayag 10 naghulagway sa mapait nga pagkasubo kanila nga nagtoo nga si Jesus muabot sa tuig 1844 (tanawa leksyon 15). Sa dihang Siya wala miabot, ang pangutana mao, “Hain man ang Dios sa justisya?” Ang Bibliya miingon “Ang Ginoo nga inyong gipangita moabut sa hinanali sa iyang templo.” Si Jesus mibalhin sa tuig 1844 ngadto sa pinakalabing balaang dapit sa langitnong sanktuwaryo aron sa pagsugod sa Iyang buhat sa hukom imbestigatiba, ang Iyang katapusang buluhaton sa dili pa Siya muanhi sa yuta sa pagdawat sa Iyang pangasaw-onon.

Gikan sa Daniel 8:19, atong nasayran nga ang sanktuwaryo malimpyuhan “sa taka nga gitudlo”. Sa pagkomentaryo mahitungod niana, si Pablo miingon, “Siya nakatudlo na ug adlaw kanus-a, suaby sa katarungan, iyang pagahukman ang kalibutan.” Buhat 17:31. Ang adlaw nga gitudlo alang sa paghukom mao ang katumanan sa 2300 ka mga adlaw.

21. Unsa ang buhat sa Dios niining mga panahona?

Malaquias 3:3 _____

22. Unsa ang Iyang buhaton ngadto sa mga pangalan sa mga nagmadaugon?

Pinadayag 3:5 _____

23. Unsa ang pagapapason sa ilang mga rekord?

Buhat 3:19 _____

24. Sa serbisyo sa karaang tugon, asa man gidala sa buhi nga kanding ang mga kasal-anan, tungod niini nagpapas niini sa dayon gikan sa sanktuwaryo?

Levitico 16:21 _____

25. Sa pagtapos sa buluhaton sa langitnong sanktuwaryo, unsa ang igabubo ngadto sa yuta?

Pinadayag 15:5; 16:1 _____

“Ug muabot ang usa ka panahon sa kasamok, nga ang ingon wala pa gyaud mahatabo sukad nga may usa ka nasud bisan hangtud nianang mao nga panahon: ug niadtong panahona, pagaluwasaon ang imong katawhan, ang tanang nga hingkaplagaan nga nanghisulat sa basahon.” Daniel 12:1

“Ug mahinabo nga kadtong mabiyaan didto sa Sion, ug kadtong mahibilin sa Jerusalem, pagatawgon nga balaan, bisan ang tagsatagsa nga mahasulat uban sa mga buhi didto sa Jerusalem.” Isaias 4:3

Diha sa Kahayag sa Pulong sa Dios....

- Ako nasabot nga ang presente nga buluhaton ni Cristo sa langitnong sanktuwaryo naglangkob sa paghukom sa atong mga kinabuhi
- Ako nakasabot nga kining paghukom matapos sa dili pa si Cristo mubalik aron sa pagdala ug balos.
- Ako naghandum sa pagdaug sa akong sala sa akong kinabuhi ug nga mapapas kini sa akong rekord sa langit.

Dugang komentaryo: _____

Pangalan: _____

Sunod nga leksyon: **Ihatag ang Imong Kasingkasing Kang Cristo**